

諸法無行經



一百五十二
常一

48293



元祿九年丙子二月日重脩

皇圖瓊固 帝階綴昌

佛日增輝 懋輪常轉

山城州天安寺法金剛院置



諸法無行經卷上

姚秦三藏法師鳩摩羅什譯

常一

如是我聞一時佛在王舍城耆闍崛山中
 大比丘僧五百人俱菩薩九萬二千人其名
 曰象德莊嚴菩薩摩訶薩師子遊步菩薩光
 無障淨王菩薩高山頂自在王菩薩愛喜淨
 光菩薩光蔽日月菩薩妙淨髻菩薩身出蓮
 華光菩薩梵自在王音菩薩遊戲世師子王
 音菩薩金色淨光威德菩薩柔健身菩薩金
 光相莊嚴身菩薩十光破魔力菩薩諸根威
 儀善寂菩薩德如高山菩薩天音聲菩薩法
 力自在遊行菩薩山德淨身菩薩妙德菩薩

摩訶薩如是等九萬二千人介時師子遊步
菩薩見是大會即從座起偏袒右肩右膝著
地合掌白佛以偈問曰

世尊大道師 名德稱無量 今此大衆集

願說寂滅法 邪見癡愛慢 嫉妬瞋恚性

云何即是道 大音方便說 云何涅槃相

與世法無異 常 諸法無行經上 諸法性無二 大悲為演說

云何諸法性 畢竟無罣礙 其性如涅槃

亦同於解脫 無縛亦無解 亦復如虛空

迦蘭頻伽音 大梵清淨聲 身色喻天金

淨命無量德 演說實相法 畢竟無縛解

云何此五蓋 而等於菩提 云何是菩提

即同諸業性

是法是非法

云何同一相

如是畢竟淨

唯願為演說

無數無非數

諸法畢竟滅

一切種智相

及以菩提道

二法云何無

唯願為演說

無作無非作

無著無非著

畢竟無衆生

諸法中無礙

無戒無忍辱

亦無毀戒者

無智亦無慧

亦非無智慧

是法常清淨

唯願為演說

云何一切法

寂滅如虛空

無心心數法

無見斷證修

一切衆生類

同如虛空相

一相法亦無

心行亦叵得

諸法無生滅

無學無羅漢

亦無辟支佛

亦無求菩薩

無住無依止

無來亦無去

諸法不動相

常住如須彌 無相亦無色 色性即是道

色性佛道一 如是法願說 云何無佛法

亦無比丘僧 三寶是一相 唯願為演說

無空無無相 亦無有無作 不合亦不散

名相法亦無 諸法畢竟空 如響無作者

無生無無生 無滅無往來 無天無龍神

夜叉緊那等 無人天地獄 無餓鬼畜生

無衆生五道 願說如是法 導師佛世尊

外道邪見者 其有所演說 云何等無二

文字諸語言 是法皆一相 世尊大慈悲

願聞是法門

今時世尊讚師子遊步菩薩摩訶薩言善哉

諸法無行經上

善哉善男子汝所問者甚為希有一切世間
之所難信善男子止止勿問所以者何新發
意菩薩於此空見無相見無作見無生見無
所有見無取相見佛見菩提見所不能及善
男子如此法者不應在新學菩薩前說何以
故若聞是法或斷善業於佛道中則行邪道
若墮斷滅若墮計常不知如來以何方便隨
宜所說

尔時師子遊步菩薩摩訶薩白佛言世尊哀
愍世間願必為說當來世中有菩薩空見無
相見無作見無生見無所有見無取相見佛
見菩提見者分別是空是無相是無作如常

讀學動於事業樂著文辭以辯說為妙貴於
名利如是之人聞如來說無文字法畢竟
清淨當捨是諸見是諸菩薩隨衆生所能信
解以方便力而為說法雖說少欲知足然不
以為最雖說經戒亦不以為最說在衆過惡
亦知一切法遠難相常稱讚獨處不在憤鬧
常 諸法無行徑上
然不以為最雖讚發菩提心而知心性即是
菩提雖讚大乘經而知一切諸法皆是相
雖說菩薩道而不分別阿羅漢辟支佛諸佛
雖讚布施而通達布施平等相雖讚持戒而
了知諸法同是戒性雖讚忍辱而知諸法無
生無滅無盡相雖讚精進而知諸法不發不

行相雖種種讚嘆禪定而知一切法常定相
 雖種種讚於智慧而了智慧之實性雖說貪
 欲之過而不見法有可貪者雖說瞋恚之過
 而不見法有可瞋者雖說愚癡之過而知諸
 法無癡無礙相雖示衆生墮三惡道怖畏之
 苦而不得地獄餓鬼畜生之相如是諸菩薩
 雖隨衆生所能信解以方便力而為說法而
 自信解一相之法所謂空無相無作無生無
 所有無取相世尊唯願說是不可思議方便
 之法一切聲聞辟支佛及新發意菩薩所不
 能及但為信解甚深一相法者說之
 尔時佛告師子遊步菩薩摩訶薩言善男子

汝今諦聽善思念之吾當為汝解說此義唯
然世尊我當受之尔時世尊以偈答曰

若人欲成佛 勿壞於貪欲 諸法即貪欲

知是則成佛 貪欲瞋恚癡 無有能得者

是法皆如空 知是則成佛 見非見一相

著不著亦然 此無佛無法 了是名大智

常 諸法無行經上

譬如人於夢中 得佛道度眾生

此無道無眾生 佛法性亦復然

坐道場無所得 若不得則不有

明無明同一相 知如是為世尊

眾生性即菩提 菩提性即眾生

菩提眾生不二 知如是為世尊

譬如巧幻師 幻作種種事 所見無有實

無智數若于 貪恚癡如幻 幻三毒無異

凡夫自分別 我貪我瞋恚 如是愚癡人

則墮三惡道 實相無貪恚 癡亦不可得

分別如幻法 自生煩惱熱 實相無煩惱

無佛及衆生 分別無生法 凡夫願欲得

不見佛興法 亦不見衆生 知是法相者

疾成衆生尊 若人求菩提 則無有菩提

是人遠菩提 譬如天與地 知諸法如幻

速成人中上 若人分別戒 是則無有戒

若有見戒者 是則為失戒 戒非戒一相

知是為導師 如夢受五欲 娛樂自快樂

分別見女色

此中實無女

戒毀戒如夢

凡夫分別二

實無戒毀戒

知是為導師

凡夫著名字

不知語言性

名字非名字

知是得無生

自謂是菩提

讀誦為人說

已身無所行

但依恃種姓

但讀經求道

常見他人過

著威儀文頌

見人敬自貴

恃種姓文頌

不知法實相

如是之人等

終不能得佛

為說諸法空

惡心好諍訟

是人無佛法

亦無有菩提

知恚忍同相

達是終不瞋

不了衆生性

是則生瞋恚

自言菩薩者

復作如是說

我慈悲一切

成佛度衆生

他惱生瞋恚

懷忿不與語

常諸法無行經上

五

常求他人過 樂於鬪諍訟 亦稱嘆忍辱

及說諸法空 我心多憍慢 常觀他人過

貪著於美味 晝夜念五欲 是人入城邑

自說度人者 悲念於衆生 常為求饒益

口雖如是說 而心好惱他 我未曾見聞

慈悲而行惱 互共相瞋恚 願生阿彌陀

若人如恒河 惡口加刀杖 如是皆能忍

則生清淨土 佛土非佛土 知如虛空相

不分別國土 及國土功德 如是之人等

能生諸佛國 自言忍衆惡 見菩薩如佛

我未曾見聞 佛相而瞋者 各自美毀他

樂擅越知識 言我所教化 護使令如法

汝應我所度

莫親近餘人

彼人行不純

常處於憤鬧

是人於佛道

不能勤修行

真求佛道者

晝夜各三時

頂禮諸菩薩

應生恭敬心

隨其所行道

不說其過失

若見著五欲

亦不說過惡

應當念彼人

久後必得道

次第行業道

不可頓成佛

或非久發心

是故行此事

勿分別貪欲

貪欲性是道

煩惱先自無

未來亦無有

能作是信解

便得無生忍

觀好惡音聲

知非音聲性

當入無文字

實相之法門

若能信是法

則無婬怒癡

觀貪欲愚癡

即是無量相

是二無文字

以文字故說

常諸法無行經上

六

諸有文字處 是皆無有實 一切諸音聲
觀是一音性 佛說及邪說 是皆無分別
法雖以言說 實無法無說 能入一相門
是得無上忍 是忍是非忍 勿作是分別
於欲瞋恚心 勿計其中利 知是二無生
當為世中尊 東西南北方 如恒河沙土
皆碎為微塵 一塵為一國 滿中諸珍寶
於無央數劫 供養諸如來 其所得功德
若人聞是經 過彼百千倍 若有出家人
一心求佛道 我囑累是人 此秘密要法
若有誦是經 及解說其義 無量總持辯
自然皆當得 利根無盡慧 樂說之辯才

無量億諸佛 皆亦與是人 諸經妙法寶

自然皆能說

尔時師子遊步菩薩白佛言世尊今說是偈

有幾所人得自利益佛言善男子汝見是大

衆不唯然已見佛言說是法時會中有無量

無數衆生與天龍夜叉捷闍婆阿脩羅緊那

常 諸法與行經上

羅迦樓羅摩睺羅伽等滿虛空中以說法明

乃至他方世界多所饒益九萬二千夜叉神

皆發阿耨多羅三藐三菩提心增上慢比丘

有五百人未得謂得聞是法無增上慢信解

真法一切諸法皆是一相不受諸法故漏盡

得解脫於是菩薩衆中六萬二千人信解諸

法無障礙相得無生法忍何以故說如是法
諸說法中最為第一善男子如我於然燈佛
所信解諸法一相無礙然後乃得無生法忍
具足六波羅蜜所以者何若菩薩於恒河沙
劫布施持戒忍辱精進禪定智慧若不能知
如是法相是人或能斷諸善根善男子汝見
提婆達多有大功德善根成就三十二大人
相有如是功德不知是法相故斷滅善根墮
大地獄善男子當知雖久發心有大功德不
入是法門皆能斷滅善根功德善男子如過
去無量無邊不可思議阿僧祇劫有佛名高
須彌山王如來應供正遍知明行足善逝世

問解無上士調御丈夫天人師佛世尊壽九
十九百千萬億那由他歲國土名金焰明其
國皆以黃金為地其所說法亦以三乘度脫
衆生其佛初會有八十百千萬億那由他聲
聞弟子第二會七十百千萬億那由他聲聞
弟子第三會六十百千萬億那由他聲聞弟
子常諸法無行經上第四會五十百千萬億那由他聲聞弟子
皆得阿羅漢捨諸重擔逮得已利盡諸有結
正知解脫比丘尼衆倍於上數優婆塞衆亦
倍上數優婆夷衆亦倍上數菩薩衆亦倍上
數皆得阿惟越致無生法忍皆得無量無邊
陀羅尼門三昧門能轉不退法輪何況新發

菩薩意者又發辟支佛道心者亦無量無邊
善男子尔時彼佛會中弟子衆數無量無邊
彼金焰國中皆以七寶為樹其諸寶樹常出
法音所謂一切諸法空音無相音無作音無
生音無所有音無取相音其國人民聞是法
音自然皆得諸法實相心得解脫其佛滅後
法住千歲諸寶樹音亦不復出善男子是高
須彌山王佛以法囑累淨威儀菩薩令守護
法囑累已後便入無餘涅槃時有比丘名有
威儀持戒清淨得四禪四無色定及五禪通
善誦毗尼藏樂於苦行而不能善知他心其
弟子亦皆苦行貴頭陀法是淨威儀法師持

戒清淨於無所有法忍中得巧方便後於一
時淨威儀法師將諸弟子到有威儀比丘住
處與共同止淨威儀法師憐愍衆生故從所
住處常入聚落食訖而還教化百千萬家皆
作弟子令發阿耨多羅三藐三菩提心其弟
子衆亦善教化到諸聚落而為說法令若干
常百千衆生皆發阿耨多羅三藐三菩提心凡有
威儀比丘常樂住塔寺其弟子衆不持淨戒
而樂行頭陀有威儀比丘勤行精進其心決
定自以所行化諸弟子貧著善法有所見得
所謂說一切有為法皆無常苦一切法無我
不能善行諸禪定法亦復不能善於菩薩所

行之道本心不純故淨威儀法師善知衆生
諸根利鈍知有威儀比丘心故不復常入聚
落其諸弟子如本不異有威儀比丘見淨威
儀法師諸弟子衆常入聚落生不淨心即鳴
捷椎集衆立制汝等自今以去不得入於聚
落不能一心修行靜默數入聚落得何等利
佛所稱讚阿蘭若住處汝等當行一心禪樂
莫入他家淨威儀法師諸弟子衆不受其語
猶入聚落後於一時有威儀比丘見彼弟子
聚落中出更鳴捷椎集比丘衆說如是言若
復更入聚落中者不得住此今時淨威儀法
師將護有威儀比丘故告諸弟子汝等從今

已去勿入聚落即受師教不入聚落介時衆
人不見其師及諸弟子故皆懷憂惱退失善
根淨威儀法師三月自恣竟從是中去至餘
僧坊於其所止師徒還入城邑聚落為人說
法後時有威儀比丘見淨威儀法師還入他
家見其弟子毀失常儀常復生惡心作是念言
諸法無行經上是比丘破戒毀戒何有菩提便語衆人是比
丘雜行去佛甚遠有威儀比丘起是業已後
時命終是業果報故墮阿鼻大地獄九千百
千億劫受諸苦惱從地獄出六十三萬世常
被誹謗其罪漸薄後作比丘三十二萬世出
家之後是業因緣反道入俗是業因緣有餘

罪故值淨明佛出家入道慙懃精進如救頭
然千萬億歲中乃至不得柔順法忍無量千
萬世諸根闇鈍師子遊步於汝意云何尔時
有威儀比丘豈異人乎勿造斯觀則我身是
我時起是微細不淨心故受此罪菩薩於地
獄師子遊步若人不起是微細業者於彼
菩薩不應起惡心菩薩所行皆當信解不應
起於瞋惱之心應作是念我亦不能善知他
心衆生所行是亦難知善男子如來見是利
故常說是法是故行者不應平量於人唯有
如來及似如來者乃能知之是故行者若欲
自護身勿平量人而相違逆菩薩若欲修集

佛法當晝夜勤心專念深發菩薩心者不當
好求人乞長短菩薩若能教三千大千世界
其中衆生令行十善不如菩薩如一食頃一
心靜處入一相法門乃至聞受讀誦解說其
人福德勝彼其多何以故諸菩薩等用是法
門能滅一切業障重罪亦於一切衆生之中

常一諸法無行經上

離憎愛心便能疾得一切種智

十一

尔時文殊師利法王子白佛言世尊如佛所
說滅業障罪云何能滅佛告文殊師利若諸
菩薩見一切法性無業無報則能畢滅業障
之罪又文殊師利若諸菩薩見貪欲際即是
真際見瞋恚際即是真際見愚癡際即是真

際則能畢滅業障之罪又文殊師利若諸菩薩見一切衆生性即是涅槃性則能畢滅業障之罪所以者何若人因有所見即能起業無知無聞諸凡夫人不知諸法畢竟滅相自見其身亦見他人以是見故便起身口意業是人妄見憶想分別便作是念我是貪欲瞋恚愚癡如是分別故於佛法中出家學道復作是念我是持戒修梵行者我應當得超度生死入於涅槃免諸苦惱是人分別諸法是善是不善是應知是應斷是應證是應修所謂苦應見集應斷滅應證道應修而復分別一切諸行皆悉無常一切諸行皆苦一切諸

行皆三毒熾然我當疾捨此有為法作是思
惟於諸行中種種取相便生厭心今時即作
是念若見諸行如是是名見苦惡厭諸行是
名斷集分別諸行見於滅諦即作是念我今
見滅是名證滅我當修道便至靜處念如是
法作是念已攝心定住是人先得厭心今得
常定心故於諸行中心便捨離而自愧十二厭不喜
不樂復作是念我今於一切法中已得解脫
更無所作我身已得阿羅漢道是人命終時
見受生處即菩提中心生疑悔以此疑故命
終後身墮大地獄何以故是人於無生法中
而分別故

尔時文殊師利法王子白佛言世尊今云何
應觀四聖諦佛告文殊師利若行者能見一
切法即是無生性是名見若若能見一切法
不集不起是名斷集若能見一切法畢竟滅
相是名證滅若能見一切法無所有性是名
修道文殊師利若行者能如是見四聖諦是
人不作如是分別是法善是法不善是法應
見是法應斷是法應證是法應修所謂苦應
見集應斷滅應證道應修所以者何凡夫所
行貪欲瞋恚愚癡行者見是法皆空無生無
所有不可分別但積集虛妄尔時於法無所
取無所捨於三界中心無所礙見一切三界

畢竟不生見一切善不善法虛誑不實如幻
如夢如影如響如焰行者見貪欲性即是涅
槃性瞋恚性即是涅槃性愚癡性即是涅槃
性若能見一切法性如是便於一切衆生中
不起憎愛所以者何是行者不得是法若生
愛處常若生憎處諸法無行經上安住是處虛空心十三中乃至不
見佛不見法不見僧是則不見一切法若不
見一切法於諸法中則不生疑不生疑故則
不受一切法不受一切法故則自寂滅文殊
師利長老須菩提知如是法故不來禮佛足
須菩提尚不自得身何況得如來身不得自
身而得如來身者無有是處

文殊師利復白佛言世尊行者云何應觀四
念處佛告文殊師利當來世有比丘如是說
觀內身處若觀不淨是身念處觀樂皆苦是
受念處觀心生滅性是心念處觀壞和合相
但得法相是法念處文殊師利白佛言世尊
今云何真觀四念處佛言止止文殊師利不
須問是如來隨宜說法難可得解文殊師利
言世尊愍念衆生故願為說之佛告文殊師
利若行者見身如虛空是為身念處若行者
知諸受不在內不在外是為受念處若行者
知心但有名字是為心念處若行者不得善
法不得不善法是為法念處文殊師利應如

是觀四念處

文殊師利復白佛言世尊行者云何應觀八

聖道分佛告文殊師利若行者見一切法平

等無二無分別是名正見見一切法無思惟

無分別以是見故是名正思惟見一切法無

言說相善修語言平等相故是名正語見一

切法不作相作者不可得故是名正業不分

別正命邪命善修習平等命故是名正命不

發不起一切法以無所行故是名正精進於

一切法無所憶念諸憶念性離故是名正念

見一切法性常定以不散不緣不可得故是

名正定文殊師利行者應如是觀八聖道分

常諸法無行經上

十四

文殊師利復白佛言世尊行者云何應觀五
根佛告文殊師利若行者信一切法畢竟不
生從本以來常自尔故是名信根於一切法
中心無所作遠近相離故是名精進根於一
切法無所憶念緣性離故不繫念於緣是名
念根於一切法無所思惟二法不可得故是
名定根見一切法常空離於生相故是名慧
根文殊師利行者應如是觀五根
文殊師利復白佛言世尊行者云何應觀七
菩提分佛告文殊師利若行者能見一切法
無憶念是名念菩提分若一切法若善若不
善若無記不可選擇不可得無決定故是名

擇善提分若不取一切三界相善壞三界相
故是名精進善提分若一切有為法中不生
喜相善壞有喜相故是名喜善提分若一切
法中除却其心緣相不可得故是名除善提
分若一切法不可得善修壞相故是名定善
提分若於一切法無所依止不貪不著不見
常 諸法無行徑上
一切法故捨得心是名捨善提分十五文殊師利
行者應如是觀七善提分若行者能如是見
四聖諦四念處八聖道分五根七善提分我
說是人名為已得度者到於彼岸出在陸地
無畏之處已離重擔除諸塵垢是人名為無
所有者無所憂者無所受者名阿羅漢是名

沙門是名婆羅門是名比丘是名澡浴清淨
者是名智者解脫者是名聞者是名佛子是
名釋子是名破刺棘者是名却關捷者是名
已度壘者是名出欲求者是名開門扇者是
名賢聖勝相者文殊師利若有比丘成就如
是法者於天人世間名為福田應受供養文
殊師利若比丘不欲虛食國中施者破壞魔
網者欲度生死海者欲得涅槃者欲脫一切
若惱者欲為一切天人世間作福田者應當
勤修習如是之法說是法時三萬二千諸天
得諸法實相各以天曼陀羅華而散佛上作
是言世尊若人得聞如是經法是人名為善

出家者何況信受讀誦如所說行世尊若有
須臾聞是法者是則名為無增上慢

尔時文殊師利法王子白佛言唯願世尊當
說陀羅尼以是陀羅尼故令諸菩薩得無礙
辯才於諸音聲無所怖畏能令諸法皆作佛

法信解諸法皆是一相佛告文殊師利汝今
常 諸法無行經上諦聽當為汝說不動相種性法門若諸菩薩

得入是法門者能以智慧光明照一切法疾
得無生法忍文殊師利白佛言世尊云何名

不動處種性法門佛告文殊師利一切衆生

其心皆一是名種性世尊云何是事名為種

性佛言文殊師利一切衆生皆無有心緣性

不可得故是名種性文殊師利一切衆生皆
同一量是名種性世尊云何是事名為種性
佛言一切衆生皆如虛空量終歸無障礙是
名種性文殊師利一切衆生皆是一衆生是
名種性世尊云何是事名為種性文殊師利
一切衆生皆是一相畢竟不生離諸名字一
異不可得故是名種性文殊師利貪欲是不
動相世尊云何是事名不動相佛言文殊師
利貪欲是不動相安住法性中以不住故是
貪欲不可得性常離故是名不動相文殊師
利瞋恚是金剛世尊云何是事名為金剛文
殊師利瞋恚不可斷不可壞亦如金剛不可

斷不可壞一切法亦如是不可斷不可壞諸
法本不決定故是名如金剛文殊師利愚癡
是智慧性世尊云何是事名智慧性文殊師
利一切法雜智慧亦雜愚癡譬如虛空無有
智慧亦無愚癡一切法亦如是無有智慧亦
無愚癡智慧愚癡智可知法從本已來俱寂
滅故是名智慧處文殊師利色陰是不動處
世尊云何是事名不動處文殊師利如天帝
之幢深根安固不可動搖一切法亦如是以
不住法故安住法性中是法無來處無去處
無取無捨安住無住處故是故色名不動相
文殊師利受陰是滅性世尊云何是事名為

常諸法無行徑上

十七

滅性文殊師利一切諸受相性常寂滅故諸
受非內非外非東方非南西北方四維上下
來何以故若樂受在內一切衆生常應是樂
若苦受在內一切衆生常應是苦若不苦不
樂受在內一切衆生常應不苦不樂文殊師
利令一切諸受實不在內不在外不在兩中
間不在東方南西北方四維上下是故一切
諸受如草木瓦石畢竟不生不滅無想相是
故受名寂滅相文殊師利想陰是種性世尊
云何是事名為種性文殊師利是想皆憶想
分別起從虛妄法中生譬如空拳如野馬本
性自離是故想陰名種性文殊師利行陰是

種性世尊云何是事名種性文殊師利一切
諸行雜數無數入平等數譬如芭蕉畢竟無
實本性自尔一切法亦如是無名字無性是
故行陰名種性文殊師利識陰是種性世尊
云何是事名為種性文殊師利是識如幻無
實無起無生空無相無作如五指塗空空無
相現是故識陰名為種性

常諸法無行經上

十八

文殊師利色是種性世尊云何色為種性文
殊師利譬如鏡中像雖可目見而無有實一
切色亦如是雖見無實但誑眼誑心虛妄不
實是故色為種性文殊師利聲是種性世尊
云何聲是種性文殊師利一切法無別異相

畢竟空如山中響是故聲為種性文殊師利
香是種性世尊云何香是種性文殊師利一
切法無香相性無知故空如虛空鼻香識者
皆不可得是故香為種性文殊師利味是種
性世尊云何味為種性文殊師利味性是
不可思議性不可知離於知故自性常離故
是故味名種性文殊師利觸是種性世尊云
何觸是種性文殊師利觸如虛空其性自離
無觸無合一切法亦如是善壞身故離於觸
相觸者不可得故是故觸是種性文殊師利
法是種性世尊云何法是種性文殊師利一
切法無相無心離心性離名字無決定故皆

是法性相是故法是種性文殊師利地是種
性世尊云何地是種性文殊師利一切法無
堅相無軟相虛妄和合人以為堅是故地為
種性文殊師利水是種性世尊云何水是種
性文殊師利一切法無濕無合如野馬無水
是故水為種性文殊師利火是種性世尊云
常 諸法無行徑上何火是種性文殊師利一切法無熱相十九離虛
妄熱相本性常寂滅離顛倒故分別其實無
定無生是故火為種性文殊師利風是種性
世尊云何風是種性文殊師利一切法無障
礙無相無性不動搖故離風相故是故風
為種性文殊師利佛是種性世尊云何佛為

種性文殊師利一切法無覺無知雜知相故
是故佛為種性文殊師利法是種性世尊云
何法是種性文殊師利諸法不可壞不可斷
離壞斷故無相無名無性出言語道是故法
名種性文殊師利僧是不動相世尊云何僧
是不動相文殊師利聖衆安住如法性實際
定亂平等中安住智慧愚癡解脫煩惱平等
一切法中心無所住住法不可得故是故僧
名不動相文殊師利一切法行處名為不動
相世尊云何是事名為不動相文殊師利一
切法虛空行處不可思議行處斷行處無根
本無別異不可得故是故一切行處名為不動

相文殊師利一切法無緣名不動相世尊云
何是事名不動相文殊師利一切法無依止
無住處無緣無順離諸緣故是故一切法無
緣名不動相文殊師利一切法不取不捨相
名不動相世尊云何是事名不動相文殊師
利一切法皆歸於如同於法性是法不可取
常諸法無行經上
不可捨無求無願諸願斷故從本已來常寂
滅相同於虛空是故不取不捨名不動相文
殊師利一切法無咎名不動相世尊云何是
事名不動相文殊師利一切法無垢無所有
清淨顯曜如虛空無翳諸罪定相不可得故
是故一切法無咎名不動相文殊師利一切

法無歸處名不動相世尊云何是事名不動
相文殊師利一切法空無根本故無歸處是
故無歸處名不動相文殊師利一切法無學
名不動相世尊云何是事名不動相文殊師
利一切法性無學不應學不應修不應思不
應念不應住不應發不應行不應斷不應證
不應語不應說不應求不應取不應捨不應
離不應除何以故文殊師利一切法相畢竟
離故從本已來無所取常是捨相是諸法非
智慧所及非愚癡所及是故無學名不動相

諸法無行經卷上

常一

常	閉	也	寂	無	又	及	音	也	妹	柔
謝	鍵	食	食	正	翻	也	代	下	友	濡
法	下	頃	下	譯	譯	鈍	二	心	用	下
無	其	食	西	名	不	徒	同	煩	正	古
行	偃	之	土	義	利	困	用	亂	作	之
延	西	及	領	無	云	也	反	恚	軟	多
上	日	一	及	鐘	聲	捷	反	紆	或	作
謝	鑰	一	一	以	語	推	避	更	軟	字
謝	音	也	澡	此	翻	臂	上	恃	音	巨
謝	藥	東	音	代	為	叱	巨	依	音	巨
		洗	早	之	鐘	一	寒	一	市	不
		刺	耳	耳	磬	一	及	怨	可	我
		棘	上	此	此	下	二	芳	也	反
		下	七	嘿	云	音	反	問	芳	憤
		居	七	點	打	池	怒	也	粉	丙
		力	賜	音	二	梵	也	粉	鬧	鬧
		及	及	墨	同	一	語	逮	俱	上

山城國綴喜郡新村
 靈瑞山酬恩菴沙門宗桂書寫之

